

文獻通考

二百九十三上下二百九十四

象緯 百一

內閣文庫			
五函	二	漢	
九	四	書	
架	冊	號	類

內閣文庫			
三九函	二	漢	
四	四	書	
架	冊	號	類

內閣文庫			
番號	漢	2430	
冊數	120	(102)	
函號	294	3	

政書 五ノ一




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak







通考卷之二百九十三上

鄱陽 馬端臨 貴與 著



星書見



漢安帝永初二年正月戊子太白晝見占為強臣。前志

曰太白晝見強國弱小國強女主昌時鄧氏方盛五年六月辛丑太白晝見經天。春秋漢合孽曰陽弱辰逆天失仁太白經天

元初四年正月乙未太白晝見丙上。以下書日晝見者皆太白晝見也

順帝永建二年二月癸未太白晝見三十九日閏月乙酉見東南維四十一日

五年閏月庚子

六年十月乙卯

永和二年五月戊申

三年二月辛巳戊子在熒惑西南光芒相犯三月

壬子六月丙午八月乙卯俱太白晝見太白

者將軍之官又為西州晝見陰盛與君爭明熒惑與

太白相犯為兵喪是時大將軍梁商父子秉勢故太

白常晝見也

漢安二年正月己亥太白晝見七月甲申見韓揚

占曰天下有喪一曰有白衣之會明年八月順帝崩

又明年冲帝崩

孝桓元嘉元年二月戊午太白晝見

永興二年閏月丁酉見時上幸後宮采女鄧猛後四

年梁后崩梁冀誅猛立為后恩寵甚盛

永壽元年九月己酉晝有流星長二尺所色黃白

延熹九年七月太白晝見經天為兵憂在大人後一

年桓帝崩太傅陳蕃大將軍竇武等謀誅宦官不克

皆枉死

魏文帝黃初四年六月甲申太白晝見按劉向五紀

論曰太白少陰弱不得專行故以己未為界不得經

天而行。經天則爲晝。見其占爲兵喪。爲不臣。爲更王。強國弱。小國強。是時孫權受魏爵號而稱兵距守。五年十月乙卯。見占同上。

六年十一月丙寅。見南斗。遂歷八十餘日。恒。見占曰。吳有兵。明年孫權遣張彌等將兵萬人。錫公孫淵爲燕王。淵斬彌等虜其衆。

青龍三年五月丁亥。見積三十餘日。以畧度推之。非秦魏則楚。時諸葛亮據渭南。宣帝與相持。孫權寇合肥。入淮沔。天子親東征。蜀本秦地。則爲秦魏。楚兵悉起矣。

四年二月己巳。太白與月俱加景晝。見月犯太白。占同上。

景初元年十月壬申。見在尾。歷二百餘日。恒晝。見占曰。尾爲燕。有兵。時公孫淵自立爲燕王。置百官。發兵距守。宣帝討滅之。

晉惠帝元康六年十月乙未。太白晝見。

永康元年。見占曰。爲不臣。是月賈后殺太子。趙王倫廢殺后及張華。明年倫篡位。

永寧元年。自正月至于閏月。五星互經天。縱橫無常。傳曰。日陽君道也。星陰。臣道也。日出則星亡。臣不得

專也。晝而星見午上者爲經天。其占爲不臣。爲更王。今五星悉經天。天變所未有也。石氏說曰。辰星晝見。其國不亡。則大亂。是後台鼎方北。互執大權。二帝流亡。遂至六夷更王。迭據華夏。亦載籍所未有也。其四月。歲星晝見。五月太白晝見。占同前。

二年四月癸酉。歲星晝見。占曰。爲臣強。時齊王固定。京都因留輔政。專傲無君。成都河間長沙王討之。固兵敗夷滅。

成帝咸康四年四月己巳。太白晝見。在柳。占爲兵爲不臣。明年石虎大寇河南。內外戒嚴。

穆帝永和十年七月庚午。太白晝見。晷度推之。灾在秦鄭。時桓溫伐苻健。破其嶢柳軍。十二月慕容恪攻齊。

十二年六月庚子。見在東井。占如上。

升平四年十二月庚辰。見。

哀帝興寧元年十月。太白晝見。在亢。占亢爲朝廷有兵喪。爲臣強。時桓溫方擅兵。明年庾后崩。

簡文咸安二年。太白晝見。在七星。

孝武寧康二年十二月甲申。太白晝見。在氏。氏兖州分野。

太元元年八月癸酉見在氏

二年九月壬午見在角

六年九月丙子見

七年十一月太白又晝見在斗占曰吳有兵喪

八年四月甲子又晝見在參占曰魏有兵喪是月桓

冲征沔漢楊亮伐蜀並拔城畧地八月符堅自將百

萬人寇攻沒壽陽劉牢之謝玄等破之堅衆大潰

九年六月太后褚氏崩八月謝玄出屯彭城經畧中州

九年七月庚戌見十一月丁巳又見

十年四月乙亥又晝見于畢昴占曰魏國有兵喪是

時符堅大衆奔潰趙魏兵連相攻堅爲姚萇所殺

十一年三月戊申見在東井占曰秦有兵臣強六月

甲申又見于輿鬼占曰秦有兵時魏姚萇符登連兵

相征不息甲午歲星晝見在胃占曰魯有兵臣強十

二年慕容垂寇東阿翟遼寇河上姚萇假號安定符

登自立隴上呂光竊據涼土

十二年六月癸卯見在柳十月庚午見在斗

十三年正月庚戌又晝見

十四年四月巳巳太白晝見于柳六月辛卯又晝見

于翼九月庚寅又晝見于軫

十六年。四月。癸卯朔。見。

十七年。七月。丁丑。見。十月。丁酉。又晝見。

十八年。六月。又晝見。

十九年。五月。又晝見于柳。六月。辛酉。又晝見于輿鬼。

九月。又見于軫。

二十年。七月。丁亥。見在太微。占曰。太白入太微。國有

憂。晝見亢為兵喪。

二十一年。二月。壬申。太白晝見。三月。癸卯。太白連晝

在羽林。占曰。有強臣。有兵喪。中軍兵起。三月。太白晝

見于胃。占曰。中軍起兵。

安帝。隆安元年。四月。丁丑。太白晝見。在東井。占曰。秦

有兵喪。六月。姚興攻洛陽。郗恢遣兵救之。冬。萇死。子

泓代立。

二年。六月。戊辰。攝提移度。矢常。歲星晝見。在胃。兖州

分野。是年。郗恢遣兵伐慕容寶于滑臺。敗而還。閏

月。太白晝見。在羽林。十一月。犯東上相。

五年。正月。太白晝見。自去年十二月。在斗。晝見。至是

月。

元興元年。三月。戊子。太白犯五諸侯。因晝見。占曰。諸

侯有誅。

義熙元年七月庚辰見在翼軫占曰爲臣強荆州有兵喪

三年正月丙子見在奎五月己丑見在參占曰益州有兵喪臣強

六年六月甲午見七月太白犯少微而晝見七年六月見在翼

九年五月壬辰太白犯右執法晝見恭帝元熙元年七月己卯太白晝見自義熙元年至

是太白經天者九革代更王臣矢君之象也宋文帝元嘉五年十一月日食星晝見

梁武帝天監四年六月壬戌歲星晝見占曰歲色黃潤立竿影見大熟是歲大穰米斛三十又曰星與日

爭光武且弱文且強自此後帝崇尚文儒躬自講說終于太清不修武備

普通四年十一月太白晝見

六年五月己酉太白晝見六月癸未太白經天太清二年太白晝見占曰有大喪天下革政更王強

國弱小國強其年帝爲侯景所幽崩陳廢帝光大二年九月戊午太白晝見占曰太白晝

見國更政易王其年十二月廢帝爲臨海王

周武帝天和元年十月乙卯太白晝見經天

隋文帝開皇元年三月甲申太白晝見占曰為臣強

為革政四月壬午歲星晝見占曰大臣強有逆謀王

者不安其後劉昉等謀反伏誅

二十年十月太白晝見占曰大臣強為革政易王右

僕射楊素熒惑高祖廢太子勇明年改元皆陽失位

及革政易王之驗也

唐高祖武德元年五月庚午太白晝見占曰兵起臣強

二年九月庚寅見

九年五月見六月丁巳經天巳未又經天在秦分

巳卯見七月辛亥晝見甲寅晝見八月丁巳晝

見太白上公經天者陰乘陽也

太宗貞觀二十二年七月太白晝見

高宗永徽元年五月巳未太白晝見十二月乙未見

四年六月巳丑見

龍朔元年六月辛巳太白晝見經天

永隆元年五月丁酉太白晝見經天是為陰乘陽陽

君道也

中宗景龍三年六月癸巳太白晝見在東井京師分也

玄宗開元十四年十月甲寅太白晝見

肅宗。至德二年。七月。巳酉。太白晝見。經天。至于十一月。戊午。不見。歷秦。周。楚。鄭。宋。燕之分。

代宗。永泰元年。九月。辛卯。太白晝見。經天。

大曆八年。八月。巳丑。太白入太微。晝見。占曰。兵入天庭。十一年。閏八月。丁酉。太白晝見。經天。

憲宗。元和九年。七月。太白入南斗。至十月出。乃晝見。

穆宗。長慶元年。三月。庚戌。太白犯五車。因晝見。至于七月。以歷度推之。在唐及趙魏之分。占曰。兵起。

二年。九月。太白晝見。

四年。三月。庚午。太白犯東井。北轅。遂入井中。晝見。經

天。七日而出。因犯輿鬼。京師分也。六月。巳丑。太白犯軒轅右角。因晝見。至于九月。占曰。相凶。

文宗。太和六年。四月。巳丑。太白晝見。

九年。夏。見。自軒轅至于翼軫。

二年。六月。巳酉。見。

僖宗。乾符二年。四月。庚辰。太白晝見。在昴。

三年。七月。常星晝見。

昭宗。光化三年。十一月。丁未。太白犯月。因晝見。

天復元年。五月。自丁酉至于巳亥。太白晝見。經天。在井度。

後唐莊宗同光三年六月甲子太白晝見

巳巳見

明宗天成元年七月庚申太白晝見

長興二年五月癸亥見

閏五月巳巳歲晝見八月戊子太白晝見十月壬辰

太白晝見

四年五月癸卯太白晝見

宋帝清泰元年五月巳未太白晝見

漢高祖天福十二年四月丙子太白晝見

乾祐二年四月壬午太白晝見

周太祖廣順二年太白經天

宋太宗太平興國八年三月丙寅有星晝出西南當

未地青白尾迹二丈餘没于東南有光明占曰未地

有兵是年西戎入寇宥州擊敗

淳化元年七月辛卯太白在角西南一尺許司天言

據躔次當行中道南乘左角主有謀不成按書太白

形最大星中無比去太陽四十五度內晝見則占臣

今占候太白晝見益去日極遠自然之理也

真宗咸平三年六月太白晝見占曰為兵喪

四年丙寅太白晝見在南斗

五年三月丙午。有星晝出心。至南斗沒。赤光丈餘。九月丁未。有星晝出紫微垣。如半升器。貫北斗沒。六年六月庚午。有星晝出東方。色黃白。有尾迹。占曰。兵偃民樂之象。甲午。太白晝見。八月庚午。太白晝見。景德元年六月戊午。有星晝出西南方。赤黃有尾迹。速流丈餘沒。十一月太白晝見。占曰。秦有兵。二年四月甲辰。太白晝見。四年三月庚申。有星晝見出南方。三年七月乙巳。太白晝見。庚辰又晝見。十二月大

白晝見

大中祥符元年七月庚申。太白晝見。八月己丑。有星晝出中天如太白。有尾迹。急流東南。近日沒。二年五月乙亥。有星晝出東方如太白。尾迹赤黃流。至日北沒。占曰。蠻夷起兵。其年黎州蠻擾。四年六月丙午。太白晝見。八月乙巳。太白晝見。六年五月乙巳。有星晝出南方。赤光迸逸。若五升器。照地明。壬午。太白晝見。七年七月癸卯。太白晝見。十一月癸未。有星晝出西南大如盃。尾迹二丈餘。闊三寸許。青白色。西流而

沒。占曰。爲旱火。明年榮王宮火。

九年五月庚午。太白晝見。

天禧三年六月辛卯。太白晝見。占曰。女主昌。八月。

辛卯。又晝見。

四年七月丁巳。太白晝見。

五年八月丙午。太白晝見。

仁宗天聖二年六月丁卯。晝漏上星出中天。赤黃色。

有尾迹。西南緩行入濁。占曰。大使以兵事出其方。行

緩事遲。

嘉祐二年九月戊戌。晝漏上中天。有星出狼。大如杯。

東南速行至濁沒。尾迹青白。占曰。流星大者使大。今晝而星流。主大使出狼星。有盜賊侵掠之事。

四年十月乙丑。晝漏上星出天將軍。西南行至濁沒。色青白。尾迹凝天。良久散。

六年十一月癸丑。晝星出東北維。去地五丈許。大如盃。向東北緩行入濁。尾迹青白。占曰。流星晝出大臣。灾。色青白。爲兵憂。又主陰謀事。以分野日辰推之。在魯衛分。及北狄鴈門。

英宗治平二年六月己丑。晝有星出中天。大如盃。西速行至濁沒。尾迹赤黃。占曰。流星晝見。明大。民灾。兵

革動速行入濁。其下陰謀相奪。七月庚申。晝漏未上。星出紫宮西行。曳尾長二丈。沒尾迹青白。占曰。有使出西方言兵事。

仁宗英宗兩朝木晝見

嘉祐五年三月乙未。占曰。爲臣強。爲兵寇。今推考木星在女度。屬青齊分。宜于其地嚴設警備。六年六月壬申。見占曰。日者陽君道也。星者陰臣道也。日出則星亡。臣不得專也。今晝而星見。其占爲不臣。及兵賊事。以分野占之。在衛分。七年六月丙子。見占曰。臣有不忠者。八年七月癸亥。

見占曰。臣強。屬趙翼分

治平元年六月壬戌。見占曰。臣強

金晝見

乾興元年十一月壬辰。見占曰。有兵。兵罷無兵。兵起不利先舉。

天聖三年六月壬戌。見十二月戊寅。見五年五月壬

寅。見

明道元年七月。見三十日

慶曆三年八月甲寅。見

皇祐三年四月丙午。見

至和元年。五月。壬辰。見九月。巳丑。見十月。辛卯。見三年。四月。巳丑。見占云。太白少陰。晝見于丙。其占爲兵爲不臣。

嘉祐二年。六月。巳未。見占如上。四年。正月。庚戌。見占曰。太白少陰。弱不得專行。故以巳未爲界。不得經天而行。經天則晝見。其占爲兵喪。爲不臣。強國弱。小國強。以日宿推之。屬秦魯分。宜于其地。謹備兵寇。以應天象。七月。辛丑。見占曰。西戎秦地。防邊事。五年。九月。庚寅。見六年。六月。乙丑。見七年。五月。戊午。見占皆如上。七月。巳酉。經天復。見占曰。兵喪民災。臣不順命。不

救。則四夷大動。蠻貊來侵。十月。乙未。見占曰。爲不臣。爲兵喪。

治平元年。正月。戊戌。見占如上。六月。辛酉。見占曰。秦分兵喪。二年。七月。丁丑。見占曰。爲兵喪。爲不臣。十二月。辛亥。見占如上。

哲宗。紹興元年。正月。壬午。晝星出中天。如太白西南。急流入濁沒。赤黃。主兵。六月。丁丑。晝有飛星出東南。如太白。西北急流。至中天沒。青白有尾迹。明燭地。主國有喜。

四年。三月。巳未。晝星出東南。丙位如太白。西南急流。

文獻通考 卷之三百九十三 一四
至末位沒赤黃有尾迹主秦分有兵及大疫
神宗哲宗兩朝太白歲星晝見

治平四年二月丁酉太白晝見主爲兵爲大臣大國
弱小國強閏三月癸未見主兵凶五月辛巳見七月
癸卯見八月丁未見皆主有兵兵罷無兵兵起或大
臣有咎

熙寧元年十一月癸酉見占太白少陰弱晝見于午
爲兵喪爲不臣二年六月壬戌見主秦分兵喪三年
五月癸巳見九月壬子皆見主爲兵爲占同五月丙
午見八年三月戊午見七月戊寅見皆主兵九年十

月乙酉見十年五月甲戌見

元豐元年四月癸亥見主秦分兵或喪三年七月戊
子見占同四年七月己丑見六年八月己卯見七年
十一月乙卯見主爲兵爲不臣

元祐元年六月庚戌見主無兵兵起有兵兵罷十月
庚寅見主秦地疆三年二月辛丑見七年辛未見主
二分兵動六年四月壬寅見閏八月乙丑見七年十
一月辛巳見八年四月己未見

紹聖元年五月己酉見九月庚申見二年十一月丙
申見主兵起三年五月壬子見四年六月己酉見

元符二年五月甲辰見主秦地有兵八月癸巳見

崇寧元年六月巳酉見三年正月癸卯見

大觀二年十一月丁未見四年十月戊戌見

政和三年十二月辛酉見六年十月乙丑見五年三

月辛未見八年十月巳卯見

宣和二年六月丁丑見六年十一月丙子見皆為大

國弱小國強女后昌

元符二年八月癸巳歲晝見主天下偃武罷兵天子

崇尚文學任用賢能

高宗建炎元年十月甲戌太白晝見

紹興元年四月壬申太白晝見古為兵喪是月隆祐

太后崩諸路兵盜未息四年五月庚子太白晝見

經天于是金人及偽齊合兵入寇韓世忠敗之于大

儀鎮十一月戊申太白晝見經天于是始下詔聲劉

豫罪致討金人入光州陷泗州諸將退保逾月虜始

退師六年正月壬辰太白晝見經天于是諸將進

攻劉豫豫以金人之師入寇諸將擊破之十七年

五月辛丑太白晝見古為兵喪為不臣大臣行毒不

出三年于是秦檜醜殺牛臯二十八年六月壬辰

太白晝見時虜亮再營汴將徙都舉兵南寇

孝宗隆興元年七月丙申太白經天晝見二年六月戊辰七月庚子俱太白晝見

乾道元年三月甲寅乙亥太白俱晝見經天二年

二月庚子流星晝見四月甲申五月甲寅九月庚

午太白俱晝見占不出三年有大喪天三年九月戊

子太白晝見四年五月六月辛卯太白俱晝見

五年六月庚寅太白晝見十一月甲子五星晝見

淳熙三年五月癸酉太白經天晝見四年十一月

壬戌太白晝見六年七月乙丑癸未太白俱經天

晝見九年六月庚申甲子九月癸巳太白俱晝見

十一年五月乙卯太白晝見十二年六月戊寅七月

丁酉太白晝見至八月壬申乃伏十四年六月辛

卯七月辛丑太白俱晝見

光宗紹熙元年五月丙子太白晝見四年六月丙

寅十一月甲戌俱太白晝見

寧宗慶元元年三月庚寅七月己亥太白俱晝見

四年九月壬寅癸卯太白俱晝見

嘉泰元年六月丙午十一月己巳十二月己卯太白

俱晝見占為兵喪為不臣為秦強三年六月癸亥

開禧元年。三月庚申。太白晝見。二年五月壬寅。太白晝見。三年十二月乙巳。大白晝見。時金人陷隨州。嘉定元年五月甲子。太白晝見。時江西黑風峒爲亂。四年七月壬戌。太白晝見。于是攻金人甚急。五年九月丙午。太白晝見。六年二月丁亥。太白晝見。于是金國亂。十二月壬辰。流星晝隕。七年五月丁丑。八月乙巳。太白晝見。是歲金虜遷都于汴。九年五月癸酉。太白晝見。明年金人入寇。十年六月乙丑。癸酉十一月戊戌。太白俱晝見。于是下詔北伐。金虜寇四川山東。李全來歸。十三年二月庚子。三月丁亥。

六月辛未。辛卯。太白俱晝見。經天。于是金人犯淮蜀。十三年九月甲午。太白晝見。十四年三月甲午。太白晝見。十五年五月庚戌。九月辛未。太白俱晝見。十七年六月丁卯。太白晝見。

周
初代成五星聚房
齊
桓公將伯五星聚箕

漢高帝元年十月五星聚于東井。以歷推之。從歲星

四年七月壬戌太白晝見于是攻金人甚急五年九月丙午太白晝見六年二月丁亥太白晝見于是
八十月辛未太白晝見
十月辛未太白晝見
十一月壬辰流星晝墮
十二月壬辰流星晝墮
七年五月丁丑
八月辛未太白晝見
九月辛未太白晝見
十月辛未太白晝見
十一月辛未太白晝見
十二月辛未太白晝見
十四年三月甲子太白
六月辛未太白晝見

文獻通考卷之二百九十三下

鄱陽 馬 端臨 貴與 著

象緯考

五星聚舍

周將代殷五星聚房

齊桓公將伯五星聚箕

漢高帝元年十月五星聚于東井以歷推之從歲星

也李奇曰歲星得其正度其四星隨比常正行故曰從也孟康曰歲星先至先至為主也客謂

張耳曰東井秦地漢王入秦五星從歲星聚當以義

取天下

魏崔浩集諸曆家。攷校漢元以來日月薄食。五星行度。并譏前史之失。別爲魏曆。以示高允。允曰。漢元年十月。五星聚東井。此乃曆術之淺事。今議漢史而不覺此謬。恐後人之譏。今猶今之譏古也。浩曰。所謬云何。允曰。按星傳。太白辰星常附日而行。十月日在尾箕。昏没于申南。而東井方出寅北。二星何得背日而行。是史官欲神其事。不復推之于理也。浩曰。天文欲爲變者。何所不可邪。允曰。此不可以空言爭也。宜更審之。坐者咸怪之。唯東宮少傅游雅曰。高君精于曆數。當不虛也。後歲餘。浩謂

允曰。先論本不經心。及更考究。果如君言。五星乃以前三月聚東井。非十月也。衆乃歎服。

孝文後六年。四月乙巳。水木火三合于東井。占曰。內外有兵與喪。改立王公。東井秦分也。是歲誅反者。周殷長安市。其七年六月。文帝崩。其十一月。戊戌。土水合于危。占曰。爲雍沮所當之國。不可舉事用兵。必受其殃。一曰。將覆軍危齊也。

孝景元年。正月。癸酉。金水合于婺女。占曰。爲變謀爲兵憂。婺女粵也。又爲齊。其七月乙丑。金木水三合于張。占曰。內外有兵與喪。改立王公。張周地。今之河南。

又爲楚。其二年七月丙子。火與水晨出東方。因守斗。占曰。其國絕祀。至其十二月。水火合于斗。占曰。爲涿。不可舉事用兵。必受其殃。一曰。爲北軍用兵。舉事大敗。斗。吳分也。又爲粵。是歲立六皇子爲王。王淮陽。汝南。河間。臨江。長沙。廣川。其三年七月。反。漢遣大將軍周亞夫討平之。吳王亡走粵。粵攻而殺之。齊趙諸國兵皆敗。中三年正月丁亥。金木合于觜。觜。爲白衣之會。其五月甲午。金木俱在東井。戊戌。金去木留。守之二十日。占曰。傷成于戌。木爲諸侯。誅將行于諸侯也。十一月庚午夕。金火合于虛。相去一寸。占曰。

爲鑠。爲喪。虛齊也。

四年四月丙申。金木合于東井。

占曰。爲白衣之會。井。秦也。其五年四月乙巳。水火合于參。占曰。國不吉。參。梁也。其六年四月。梁孝王死。五月。城陽王濟陰王死。六月。成陽公主死。出入三月。天子四衣白。臨邸第。後元年五月壬午。火金合于輿。鬼之東北。不至柳。出輿。鬼北可五寸。占曰。爲鑠。有喪。輿。鬼秦也。丙戌地大動。鈴鈴然。民大疫死。棺貴。至秋止。

章帝建初五年二月戊辰。木火俱在參。五月戊寅。木水在東井。黃帝星經曰。木守東井。有土功之事。一曰。

大水。郗萌曰：歲星守參，後當之。熒惑守大人當之。

和帝永元二年正月乙卯，金木俱在奎。丙寅水又在

奎。巫咸曰：辰守奎多水火災亦為旱古今註曰土在東井。奎主武庫兵，三星會

又為兵喪。辛未水金木在婁亦為兵，又為匿謀。郗萌曰：辰

守婁有兵，兵罷無兵，兵起巫咸石氏云多火災古今註丙寅水在奎土在東井金在婁木火在昴

五年四月癸巳，太白熒惑辰星俱在東井。黃帝經曰：五星及客

星守井皆為水，石氏曰為旱，又曰太白入東井留東

井。秦地為法三星合，內外有兵，又為法令及水。其六

年七月水大漂殺人民傷五穀，九月遣兵征叛胡。

七年二月癸酉，金火俱在參。巫咸占曰：熒惑守參多

白守參國有反臣，郗萌曰有攻戰伐國也。戊寅，金火俱在東井。郗萌曰：熒惑守井百

川皆滿，太白又從舍蓋二十日。八月甲寅，火土金俱

在軫。春秋緯曰：五星有入軫者皆為兵大起，巫咸占

曰：五星入軫者司其出日而數之，期二十日皆

為兵發司始入處之，率一日期十日，軍罷石氏星經

曰：辰星守軫歲水，郗萌曰：鎮星出入留舍軫六十日

不下必有喪，春秋緯曰：太白入軫十一月甲戌，金

火俱在心。維書曰：太白守心後九年大饑。十二月巳卯，有流星起文

昌入紫宮，消。丙辰，火金水俱在斗，流星入紫宮，金火

在心，皆為大喪。三星合軫，為白衣之會，金火俱在參

東井，皆為外兵有死將。三星俱在斗，有戮將若有死

相。八年四月樂成，王黨。七月樂成，王宗皆薨，將兵長

史吳琴坐事徵下獄誅

元興元年閏七月辛亥金水俱在氐

孝殤帝延平元年正月丁酉金火在婁金火合爲爍爲大人憂是歲八月帝崩

孝靈光和三年十月歲星熒惑太白三合于虛相去各五六寸如連珠占曰火木金三合爲喪至中平六年宮車晏駕虛齊也明年琅邪王據薨

孝獻建安十八年秋歲星鎮星熒惑俱入太微逆行留守帝坐百餘日占曰歲星入太微人主改

魏明帝太和四年十一月壬戌太白犯歲星占曰有大兵五年三月諸葛亮以大衆寇天水宣帝爲大將軍距退之

青龍二年二月己未太白犯熒惑占曰大兵起有大戰是年四月諸葛亮據渭南吳亦起兵應之魏東西奔命

晉惠帝元康三年鎮星歲星太白三星聚于畢昴占曰爲兵喪畢昴趙地也後賈后陷殺太子趙王廢后又殺之斬張華裴頡遂篡位廢帝爲太上皇天下從此遘亂連禍

永寧二年十一月熒惑太白闔于虛危占曰大兵起

文獻通考 卷之三百九十三 五
破軍殺將。虛危。又齊分也。十二月。熒惑襲太白于營室。占曰。天下兵起。亡君之戒。一曰。易相。初齊王問之。京都。因留輔政。遂專傲無君。是月。成都河間檄長沙王。又討之。問。又交戰。攻焚宮闕。問兵敗夷滅。又殺其兄。上軍將軍實以下二千餘人。太安二年。成都又攻長沙。于是公私饑困。百姓力屈。

太安三年。正月。熒惑犯歲星。占曰。有戰。七月。左衛將軍陳耽奉帝伐成都。六軍敗績。

光熙元年。九月。鎮星犯歲星。占曰。鎮與歲合爲內亂。是時司馬越專權。終以無禮破滅。內亂之應也。十二

月。癸未。太白犯鎮星。占曰。爲內兵。有大戰。是後河間王爲東海王越所殺。明年。正月。東海王越殺諸葛玫等。五月。汲桑破馮嵩。殺東燕王。八月。荀晞大破汲桑。懷帝永嘉六年。七月。熒惑歲星太白聚牛女之間。徘徊進退。按占曰。牛女揚州分。是後兩都傾覆。而无帝中興揚土。

建武元年。五月。癸未。太白熒惑合于東井。占曰。金火合曰爍。爲喪。是時愍帝蒙塵于平陽。七月。崩于寇庭。无帝大興二年。七月。甲午。歲星熒惑會于東井。八月。乙未。太白犯歲星。合于翼。占曰。爲兵饑。

三年。六月。景辰太白與歲星合于房。占同上。永昌元年。王敦攻京師。六軍敗績。王敦尋死。

成帝咸康三年。十一月。乙丑。太白犯歲星于營室。占曰。爲兵饑。四年。二月。石季龍破幽州。遷萬餘家以南。五年。季龍衆五萬寇河南。畧七千餘家而去。又騎二萬圍陷邾城。殺畧五千餘人。四年。十二月。癸丑。太白犯鎮星在箕。占曰。王者亡地。七年。慕容皝自稱燕王。七年。三月。太白熒惑合于太微中。犯左執法。明年。顯

宗崩。

八年。十二月。巳酉。太白犯熒惑于胃。占曰。大兵起。其

後。庾翼大發兵謀伐石季龍。專制上流。

康帝建元元年。八月。丁未。太白犯歲星在軫。占曰。有大兵。是年。石季龍將劉寧寇沒狄道。

穆帝永和四年。五月。熒惑入婁犯鎮星。占曰。兵大起。有喪災在趙。其年石季龍死。來年冉閔殺石遵。及諸胡十萬餘人。其後褚衷北伐。喪衆而薨。

六年。三月。戊戌。熒惑犯歲星。占曰。爲戰。

七年。三月。戊子。歲星熒惑合于奎。其年劉顯殺石祗。及諸胡帥。中土大亂。

十二年。七月。丁卯。太白犯鎮星在柳。占曰。周地有大

兵其年八月桓温伐苻健退因破姚襄于伊水定周地

升平二年八月戊午熒惑犯鎮星在張占曰兵大起三年八月庚午太白犯鎮星在太微中占曰王者惡之

五年十月丁卯熒惑犯歲星在營室占曰大臣有匿謀一曰衛地有兵時桓温擅權謀移晉室海西公太和元年八月戊午太白犯歲在太微中

三年六月甲寅太白奄熒惑在太微端門中六年海西公廢

簡文咸安二年正月己酉歲星犯鎮星在須女占曰為內亂七月帝崩桓温擅權謀殺侍中王坦之等內亂之應

孝武寧康二年十一月癸酉太白奄熒惑在營室占曰金火合為爍為兵喪太元元年七月符堅伐涼州破之虜張天錫

太元十年十二月己丑太白犯歲星占曰為兵饑是時河朔未平兵連在外冬大饑

十七年九月丁丑歲星熒惑鎮星同在亢氏十二月癸酉鎮星去熒惑歲星猶合占曰三星合是謂驚立

絕行。內外有兵喪與饑。改立王公。

十九年十月。太白鎮星熒惑辰星合于氏。

十二月癸丑。太白犯歲星。在斗占曰。爲亂饑。爲內兵。斗。吳越分。至隆安元年。王恭等舉兵。顯王國寶之罪。朝廷殺之。是後連歲水旱饑。

宋帝隆安元年。二月。歲星熒惑皆入羽林。占曰。中軍兵起。四月。王恭等舉兵。內外戒嚴。

元興元年。八月庚子。太白犯歲星。在上將。東南占曰。楚兵饑。一曰。災在上將。二年。桓玄篡位。三年。劉裕盡誅桓氏。

二年十月丁丑。太白犯鎮星。在婁。占同上。

三年二月壬辰。太白熒惑合于羽林。

三年二月。劉裕起義兵。桓玄逼帝東下。

義熙二年十二月丁未。熒惑太白皆入羽林。又合于壁。三年正月。慕容超寇淮北。徐州至下邳。八月。遣劉敬宣伐蜀。

三年二月癸亥。熒惑鎮星太白辰星聚于奎。婁從鎮星也。徐州分。是時慕容超僭號于齊。兵連徐兗。連歲寇抄。至于淮泗。姚興譙縱僭號秦蜀。盧循及魏南北交侵。其五年。劉裕北殄慕容超。其六月辛卯。熒惑犯

辰星在翼占曰天下兵起。八月己卯太白奄熒惑占曰有大兵。其四年姚畧遣衆征赫連勃勃大爲所破。五年四月甲戌熒惑犯辰星在東井占曰皆爲兵。十二年二月辛丑太白犯歲星在奎占曰大兵起。魯有兵。是年四月劉裕討慕容超六年二月滅慕容超于魯地。七年七月丁卯歲星犯鎮星在參占曰歲鎮合爲內亂。一曰益州戰不勝亡地。是時朱齡石伐蜀後竟滅之。明年誅謝混劉毅。

八年十月甲申太白犯鎮星在東井占曰秦有大兵。九年二月庚午熒惑鎮星皆犯有井占曰秦有兵。三

月壬辰歲星熒惑鎮星太白聚于東井從歲星也。東井秦分十三年劉裕定關中其後遂移晉祚。

十四年十月癸巳熒惑入太微犯西蕃上將仍順行至左掖門內留二十日乃逆行。至恭帝元熙元年三月五日出西蕃上將三尺許。又順還入太微時鎮星在太微熒惑繞鎮星成鈎已其年四月庚戌從端門出占曰熒惑與鎮星鈎已天庭天下更紀。十二月安帝母弟琅邪王踐阼是曰恭帝來年禪于宋。

宋文帝元嘉二十三年二月金火水合于東井。梁武帝普通七年正月癸卯太白歲星在牛相犯占

曰其國君凶易政明年三月改元大赦

陳武帝永定三年六月庚子鎮星鉞與太白并占太白與鎮合為疾為內兵

文帝天嘉五年四月庚子太白歲星合在奎金在南木在北相去二尺許壬寅太白歲星合在婁相去

一尺許

六年正月己亥太白犯熒惑相去二寸占曰其野有兵喪改立侯王九月乙巳太白又犯熒惑明年帝崩少帝廢

廢帝光大元年八月壬午鎮星辰星合于軫九月戊

午辰星太白相犯占曰改立侯王

二年九月庚戌太白逆行與鎮星合在角占曰為白衣之會又曰所合之國為亡地為疾兵十二月廢帝為臨海王太建二年薨

軍帝太建十一年四月己丑歲星太白辰星合于東井

十一年十二月癸酉辰星在大白上甲戌辰星太白交相掩占曰大兵在野大戰

魏道武天賜四年二月癸亥金水土聚

節閔帝普泰元年十月歲星熒惑鎮星太白聚于觜

參色甚明大占曰當有王者興其月齊高祖起于信都至中興二年破余朱兆開霸業

齊文宣天保十年六月庚子鎮星犯井鉞與太白并占曰子爲玄枵齊之分野君有戮死者大臣誅錢斧用其明年常山王誅楊愔等廢少帝

武成河清四年正月己亥太白犯熒惑相去二寸在奎甲辰太白熒惑歲星合在婁占曰甲爲齊三星若合是謂驚立絕行其分有兵喪改立侯王

後主武平三年八月癸未鎮星歲星太白合于氏宋之分野占曰其國有內外喪改立侯王四月陳將吳中微寇彭城右僕射崔季舒等諫帝不宜北幸并州帝怒並誅之內外兵喪之應

周武帝保定二年十一月壬午熒惑犯歲星于危南五年太白熒惑歲星合于婁

天和二年五月己丑歲星與熒惑合在井宿相去五尺并爲秦分占曰其國有兵爲饑旱大臣匿謀下有反者若亡地閏六月丁酉歲星太白合在柳相去一尺七寸柳爲周分占曰爲內兵又曰主人凶憂矢城是歲陳相州刺史華皎率衆人附遣兵援之因而南伐衛公直與陳將戰于沌口王師失利遂沒陳

天和六年六月庚辰熒惑太白合在張宿相去一尺
占曰主人兵不勝所合國有殃

建德元年三月丙辰熒惑太白合壁占曰其分有兵
喪不可舉事用兵必受殃改立侯王其月誅晉公護
等及其黨詔以齊公憲爲大冢宰七月丙午辰與
太白合于井相去七寸占曰其下之國必以重德致
天下後半年平齊致天下之應

二年十一月壬子太白掩鎮星在尾占曰鎮星爲女
主尾爲後宮明年皇太后崩

三年十一月丙子歲星與太白相犯光芒相及在危
占曰其野兵人主凶失其城邑

宣政元年六月壬午癸丑木火金三星合在井占曰
其國霸又曰内外有兵喪改立王侯七月丙辰熒惑
太白合于七星相去二尺八寸占曰君憂又曰其國
有兵改立侯王有德興無德亡後年改置四輔官傳
位太子改立王侯之應也

宣帝大象元年四月戊子太白歲星辰星合在井占
曰是謂驚立是謂絕行其國內外有兵喪改立侯王
其五月趙陳越伐滕五王並入國後二年隋受命宇
文氏宗族相繼誅滅十月乙酉熒惑在虛與鎮星

合占曰兵大起將軍爲亂大人惡之是月相州段德舉謀反伏誅明年杞公宇文亮舉兵反擒殺之

二年七月壬子歲星太白合于張九月甲申熒惑歲星合于翼

唐高祖武德元年七月丙午鎮星太白辰星聚于東井關中分也

二年三月丙申鎮星太白辰星復聚于東井

九年六月己卯歲星辰星合于東井占曰爲變謀

貞觀十八年五月太白辰星合于東井占曰爲兵謀十九年六月丙辰太宗征高麗次安市城太白辰星

合于東井史記曰太白爲主辰星爲客爲蠻夷出相從而兵在野爲戰

永徽元年七月辛酉歲星太白合于柳在秦分占曰兵起

景龍元年十月丙寅太白熒惑合于虛危占曰有喪景雲二年七月鎮星太白合于張占曰內兵

太極元年四月熒惑太白合于東井

天寶九年八月五星聚于尾箕熒惑先至而又先去尾箕燕分也占曰有德則慶無德則殃

十四年二月熒惑太白闔于畢昴井鬼間至四月乃

伏

十五年五月。熒惑鎮星同在虛危中。天芒角大動搖。占者以為北方之宿。子午相衝。災在南方。

至德二年四月。壬寅。歲星熒惑太白辰星聚于鶉首。從歲星也。罰星先去而歲星留。占曰。歲星熒惑為陽。

太白辰星為陰。陰主外邦。陽主中邦。陽與陰合。中外相連以兵。八月。太白芒怒掩歲于鶉火。又晝見經。

天。鶉火。周分也。

乾元元年四月。熒惑鎮星太白聚于營室。太史南宮沛秦其地戰不勝。衛分也。

大曆三年七月。壬申。五星並出東方。占曰。中國利。八年。閏十一月。壬寅。太白辰星合于危。齊分也。

十年正月。甲寅。歲星熒惑合于南斗。占曰。饑旱。吳越分也。一曰。不可用兵。七月。庚辰。太白辰星合于柳。

京師分也。

建中二年六月。熒惑太白闔于東井。四年六月。熒惑太白復闔于東井。京師分也。金火罰。

星闔者。戰象也。興元元年春。熒惑守歲星。在角亢。占曰。有反臣。角亢。

鄭也。

貞元四年五月乙亥歲星熒惑鎮星聚于營室占曰其國亡地在衛分

六年閏三月庚申太白辰星合于東井占曰為兵憂戊寅熒惑犯鎮星在奎魯分也

元和九年十月辛未熒惑犯鎮星又與太白合于女在齊分

十年六月辛未歲星熒惑太白辰星合于東井占曰中外相連以兵

十一年五月丁卯歲星辰星合于東井六月己未復合于東井占曰為變謀而更事十一月戊子鎮星

合于虛危十二月鎮星太白辰星聚于危皆齊分也

十四年八月丁丑歲星太白辰星聚于軫占曰兵喪在楚分與南方夷貊之國

十五年三月鎮星太白合于奎上曰內兵徐州分也十二月熒惑鎮星合于奎占曰主憂

長慶二年二月甲戌歲星熒惑合于南斗占曰饑旱八月丙寅熒惑犯鎮星在昴畢因留相守占曰主憂

四年八月庚辰熒惑犯鎮星于東井鎮星既失行犯鉞而熒惑復往犯之占曰內亂

寶曆二年八月丁未熒惑鎮星復合于東井與鬼間
太和二年九月歲星熒惑鎮星聚于七星

三年四月壬申歲星犯鎮星占曰饑四年五月丙午
歲星太白合于東井

六年正月太白熒惑合于羽林十月太白熒惑鎮
星聚于軫

八年七月庚寅太白熒惑合相犯推曆度在翼近大
微占曰兵起開成三年六月丁亥太白犯熒惑于張

占曰有喪
四年正月丁巳熒惑太白辰星聚于南斗推曆度在

占曰內外兵喪改立王公冬歲星熒惑俱逆
行失色合于東井京師分也

會昌二年六月乙丑熒惑犯歲星于翼占曰旱
四年十月癸未太白熒惑合于南斗咸通中熒惑鎮

星太白辰星聚于畢昴在趙魏之分詔鎮州王景崇
被究冕軍府稱臣以厭之

文德元年八月歲星鎮星大白聚于張周分也占曰
內外有兵為河內河東地

光化三年十月太白鎮星合于南斗占曰吳越有兵
後唐莊宗同光二年八月甲申歲星熒惑合在翼十

四度

三年九月丙辰太白歲星相犯

明宗天成二年正月甲戌熒惑歲星相犯

三年春正月壬申金火合于奎九月庚辰鎮星歲

星合于箕辛巳太白熒惑合于軫十二月壬寅

金木相犯于斗

晉出帝開運元年十二月癸丑太白犯辰

漢高祖天福十二年六月鎮星太白歲星熒惑聚于

張占者云有帝王興于周者高祖起義自平陽趨洛

以應之及隱帝將嗣位又封周王暨周太祖登位以

小在之後復繼宗周天人之符乃有所屬

乾祐二年九月庚戌太白犯鎮丁卯太白犯歲鎮

自元年八月己丑入太微垣犯上將執法內屏謁者

句已往來至是歲十一月辛亥而出凡四百四十一

月辛酉太白犯木

周太祖廣順元年十一月辰星歲星合宿于尾幽燕

之分占其地合有變兼主饑饉疾疫

宋太祖太宗真宗三朝五星聚舍

建隆三年十一月壬申歲星熒惑合于房乾德四年

六月己亥太白熒惑合于張五年三月五星如連珠

聚于奎當魯分。從鎮星晨。見東方占曰。有德受慶。大
人奄有四方。子孫蕃昌。從鎮星王者。以重致天下。重
福明年。真宗降誕。六年正月壬寅。歲星鎮星太白合
于婁。開寶三年五月庚戌。太白鎮星合于畢。相去二
寸許。六月乙未。太白歲星合于東井。相去四寸許。五
年十月甲辰。太白熒惑合于牽牛。雍熙二年七月丙
戌。熒惑歲星合于軫。三年五月丙戌。熒惑太白合于
畢。四年十二月丁巳。太白鎮星歲星合于南斗魁。端
拱二年九月乙巳。鎮星熒惑合于南斗。相去尺餘。十
一月壬辰。歲星熒惑合于危。淳化二年正月癸丑。鎮
星太白合于須女。三月癸丑。太白歲星合于婁。太白
在歲星南。三年正月丙辰。太白熒惑合于婁。歲星在
胃日宮。鄭昭晏言。測金火行度。合相犯。金火行而南
金稍北。有若相避。五年六月丙午。歲星太白合于柳。
相去三寸許。至道元年五月庚戌。歲星太白太陰。同
度不相犯。乙卯。鎮星熒惑合于東璧。相去七寸許。丙
辰。太白歲星合于七星。不相犯。景德三年七月己酉。
辰星歲星太白合于柳。四年七月五星當聚。鶉火既
而近太陽。同時伏。占曰。猶臣避君之明。九月戊子。歲
星合于翼。大中祥符元年九月乙酉。太白歲星合于

角亢占在兗州之野。其年東封泰山。十月庚寅。五星順行同色。

六年正月癸巳。五星順行五色。占曰。天下兵偃。

天禧二年八月癸丑。歲星熒惑合于張。占曰。東宮大慶。其年仁宗升儲。

仁宗英宗兩朝五緯相犯。

天聖元年三月丁丑。火犯木。占曰。天下受福。二年九月戊申。金犯火。三年五月癸巳。金水相犯于井。五年六月辛卯。火犯土。壬辰。掩土七年五月辛未。金犯土。在畢宿一度半。八年六月乙酉。金犯火。景祐元年閏

六月庚辰。金犯土二年五月丁亥。又犯土。九月辛巳。火犯土。相去二寸許。在張六度。三年五月丁亥。日官言太歲及歲星在北方。宜飭邊備。四年九月辛亥。火犯土。在翼十五度。康定元年九月壬申。水犯土。慶曆三年九月甲申。金犯木。皇祐三年十一月丁丑。火犯土。至和三年九月乙巳。金犯木。嘉祐三年閏十二月甲戌。火犯木。躔斗四度。占云。有子孫喜。燕分有兵。五年正月壬辰。金犯木。占曰。為戰陣大將有憂。宜飭兵備。六年三月癸巳。火又犯木。在營室。占曰。衛地有兵。又為赦令。七月己丑。金犯土。躔井十二度。占曰。秦分

兵饑七年正月庚申又犯木占曰為饑為兵營室衛
 分六月丁丑又犯火在翼一度半占曰內有盜臣又
 為兵事翼楚分也八年四月己丑又犯木在胃占曰
 趙分兵饑是日熒惑晨見東方先是自七年八月庚
 辰夕伏積二百四十九日祈禳于集英殿其日始見
 五月庚申火犯木在昴四度占曰子孫之福又宜察
 趙分兵謀之事治平元年十一月庚午水犯金在尾
 十六度占曰辰星與太白合為陰謀為兵憂在燕趙
 分二年四月丁巳金犯木占曰為兵饑亦主后妃有
 憂戊子金犯土在張五度占曰太子不安周分有兵

八月己亥火犯木躔柳七度半占曰秦分有兵謀亦
 為赦令十月丙申又犯土在翼二度占曰南楚之分
 兵起三年十二月癸卯金犯火躔危四度占曰有兵
 謀事

慶曆三年十一月壬辰五星皆在東方占曰中國安
 寧

神宗哲宗徽宗欽宗四朝五緯相犯

治平四年九月癸巳太白犯鎮主兵或饑十月甲子
 熒惑犯鎮主兵大起十一月己卯又犯歲主赦及天
 下受福熙寧元年十一月己丑太白犯熒惑主兵客

敗主勝。或防逆謀。三年正月。己未。熒惑犯歲主。赦。或子孫喜。十月。乙酉。太白犯鎮主。分兵。八年三月。庚寅。又犯鎮主。燕分兵。十年七月。癸酉。又犯歲主。秦分饑。元豐二年五月。庚寅。熒惑犯歲主。兵。四年十月。乙亥。又犯太白。主兵。五年三月。丙戌。太白犯鎮主。兵戰。女。主災。十二月。丙寅。辰。犯歲主。兵。七年十一月。甲寅。太白犯歲主。大將凶。元祐元年。閏二月。戊申。八年四月。乙卯。太白犯熒惑。皆主兵起。紹聖元年。閏四月。庚午。熒惑犯鎮主。兵起。及後宮。宜崇福三年。九月。丙午。太白犯鎮主。楚分有兵。元符元年。十二月。乙未。太白犯

熒惑主。大兵。西國敗。二年十月。乙巳。太白犯鎮主。分饑。及後宮憂。十二月。辛亥。熒惑犯鎮主。兵起。及後官

崇寧三年。四月。丙辰。熒惑犯鎮主。兵起。大戰。又曰。女子當之。十一月。庚寅。太白犯辰。主國不安。先起兵者。凶。大觀元年。十二月。乙酉。太白犯熒惑。主君病。太子憂。二年正月。甲寅。太白犯歲主。大戰。民饑。王者有賊。十月。丁酉。太白犯鎮主。太子不安。十一月。壬申。太白犯歲主。大戰。民饑。王者有賊。三年三月。辛未。太白犯歲。四年二月。辛巳。太白犯歲。占同。五月。甲辰。熒惑犯

文獻通考 卷三百三十一
歲主兵大起。册太子有赦。政和元年二月辛丑太白犯鎮。主兵饑。太子不安。十二月乙未太白犯鎮。占同。三年七月乙丑熒惑犯太白。主君亡。天下兵起。四年十月甲子熒惑犯歲。主兵起。册太子有赦。七年正月癸卯熒惑犯歲。占同。宣和二年十月巳卯太白犯熒惑。主君亡。天下兵起。三年閏五月壬午熒惑犯歲。主兵起。册太子有赦。七年七月乙未太白犯歲。主王者有賊。大戰。民饑。靖康元年六月辛丑太白犯歲。占同。六月丙辰土火金木聚。主大盪。其下兵喪並起。君子憂小人流。

高宗建炎四年六月戊子熒惑與鎮合于亢。占主兵喪旱。是歲虜再犯淮。立偽齊。江湖羣盜大起。郭后訃至次年。隆祐太后崩。十一月辛丑太白歲星合于南斗。占爲戰。太將死。又西方凶。于是張浚以五路之師敗于富平。誅趙哲。自秦州退軍興州。次年陝西皆陷。紹興元年十一月乙卯太白與鎮星合。四年三月乙卯辰星與太白合于畢。占爲兵憂。又口西方有兵不戰。是秋岳飛敗虜于襄鄧。張憲破之于唐州。襄漢悉平。

五年正月乙卯太白鎮合于南斗。閏二月丙午熒惑歲星合于昴。占爲內亂。臣有謀。爲旱爲饑。北軍困是歲亢旱。七月丁巳。金火合于東井。占爲爍爲喪。其下之國不可舉事。用兵。又曰。大人憂。主兵不勝。有破軍殺將。又曰。有兵。兵罷國安。于是王倫歸虜許和。又許還河南諸州。五月乙亥。水金火三星合于井。占是謂驚立絕行。有兵喪。民饑。是年劉豫爲金人所廢。合甲申。火木金合于柳。戊子。水火金木合于柳。占是謂大盪。有兵喪。君子憂。小人流。閏十月丁卯。火水合于氏。占爲北軍用兵。舉事。大敗。

九年三月癸卯。金火合于井。度。占爲爍爲喪。其下之國不可舉兵。又曰。有破死將。于是金人入東京。河南陝西相繼陷。九月丁未。水木合于角。庚申。金木合于角。占大將死。十月壬申。金木合于氏。占同。次年岳飛死于獄。十年十一月丁未。金木合于危。占爲疾爲內兵。十一月戊子。土金又合于室。十一年三月庚子。朔。土金復合于室。十七年五月乙丑。木與金合。占大將死。白衣會。

文獻通考 卷之三百九十一 三十四
十九年。六月。壬戌。金星行犯土星。占太子不安憂。于是秦檜動搖皇子。七月。丁未。金木水合于張。占其分國內外有兵災民饑。改立王侯。是歲完顏亮弒其主。而自立。二十八日。水金木合于張。占其分。二十八日。十月。乙未。水星順行犯土星。占夏寒雨雪妨女后。閏六月。己巳。火星犯木星。占冊太子。當有赦。明年。始正皇子名。孝宗隆興元年。七月。壬寅。熒惑辰星合于柳。占周公赤地千里。又為饑。有覆軍殺將。在秋為兵。或大旱。是年有宿離之敗。

道四年。二月。壬子。水金合于胃。占為變謀。為兵。憂同夜昏度。瞻見。金土晨度。瞻見。木火水是為水金火土木星俱見。占五星並見。其年必惡。八月。乙亥。水金火土木五星又俱見。六年。五月。乙亥。五星俱見。七月。乙巳。火星犯木在畢。占冊太子。當有赦。次年。立恭王惇為皇太子。十月。庚申。五星俱見。八年。十月。癸卯。五星見。九年。三月。辛丑。火木合于柳。四月。乙丑。火木合于星。占皆云。為內亂。臣有謀。又云。當其野旱以饑亡。是歲

浙東江東西湖北諸州旱

淳熙十三年。閏七月。戊午夜。五星皆夕伏。至戊辰。五星伏聚在軫。又至八月。乙亥。日月五星俱聚軫。占是謂易行。有德受慶。亡德受殃。

光宗紹熙四年。三月。辛巳。水星與金星會于昴宿。內占爲兵起。爲變謀。

寧宗慶元元年。四月。辛酉。木金合于井。占爲白衣會。將相死。六月。庚午。金木合于井。占西方凶。又歲星所在。太白從之。伐者利。

三年。八月。甲戌。金水木三星合于翼。占三星合。是謂驚立絕行。其分國內外有兵喪。兵饑。改立王侯後。二年。光宗上僊。

四年。八月。甲戌。火與土合于虛。占爲兵亂旱喪。

五年。八月。辛丑。火星犯木星。占册太子。當有赦。

六年。四月。癸巳。火土合于室。及火犯土星。占爲憂主。孽卿會。大人惡之。又曰。女子當之。于是慈懿皇后李氏。光宗皇帝相繼崩。

嘉泰二年。正月。丁巳。金火合于南斗。占三星合爲驚立絕行。于是金國盜起。邊釁始開。五月。庚戌。火星順行。犯土星。占大戰。

開禧二年。二月壬申。金木土三星合于昴宿。占其分
國內外有兵喪民饑。改立王侯。

皇宗皇帝崩。繼嗣。德受。其
皇宗皇帝崩。繼嗣。德受。其

六辛。四日。癸日。火土合于室。又火土星。占為憂生。

四辛。八日。辛日。火星。木星。占世太子。當有。其
四辛。八日。辛日。火星。木星。占世太子。當有。其

平。武宗。土。繼。之。受。其
平。武宗。土。繼。之。受。其

文獻通考卷之二百九十四
陽 馬 端臨 貴與 著

象緯考
瑞星 二月廿五日。其
瑞星 二月廿五日。其

漢武帝。元封元年。望氣王朔言候。獨見鎮星出如爪
食頃復入。有司皆曰。陛下建漢家封禪。天其報德星

云。德星。即鎮星也。言
天以德星報帝
晉孝武。太元二年。七月。巳卯。老人星見

三年。七月。乙酉。老人星見南方。十月。丁巳。老人星
見

梁武帝天監四年八月庚子老人星見占曰老人星見主壽昌自以每年恒以秋分後見于參南至秋分而伏武帝壽考之象云

宋太祖皇帝開寶四年八月辛卯景星見

真宗景德三年四月戊寅周伯星出氏南騎宮西二度狀半月有芒角煌煌然可以鑿物歷庫樓東八月隨天輪入濁十一月復見在氏自是常以十一月晨見東南方八月西南入濁占曰天下無兵國大昌又氏爲露寢卽天子正寢也

大中祥符七年正月己酉合譽星見其年九月丙戌又見似彗有尾而不長與周伯星同占

太祖太宗真宗三朝壽星見

乾德三年八月辛酉四年八月乙卯六年正月戊申開寶二年七月乙亥太平興國四年八月乙亥五年八月己卯六年八月己卯八年八月辛卯雍熙三年八月己酉四年八月辛亥端拱元年八月乙卯二年八月癸亥淳化元年八月丁卯二年八月辛未三年八月戊寅四年九月己亥五年八月己丑至道元年八月己亥二年閏七月己亥至道三年八月辛丑咸平元年八月己丑二年八月癸亥三年八月丁卯四

年。八月。甲子。五年。八月。乙丑。六年。八月。丙子。景德元
年。八月。癸酉。二年。八月。庚辰。三年。八月。庚寅。四年。二
月。巳卯。八月。甲午。大中祥符元年。正月。丁亥。八月。丙
申。二年。二月。壬辰。八月。乙巳。二年。二月。辛巳。八月。巳
酉。四年。正月。戊寅。八月。癸丑。五年。正月。辛巳。八月。巳
未。六年。正月。庚子。八月。丙寅。七年。正月。癸丑。八月。巳
巳。八年。七月。癸酉。九年。正月。甲寅。八月。壬午。天禧元
年。八月。癸巳。二年。正月。丁巳。八月。辛卯。五年。二月。辛
卯。八月。巳亥。四年。八月。巳亥。五年。二月。丙午。八月。乙
巳。皆出于丙。

仁宗英宗兩朝壽星見

天聖元年。二月。巳亥。二年。八月。丙子。四年。七月。壬申。
景祐二年。正月。巳丑。至和三年。二月。辛卯。八月。巳未。
嘉祐二年。八月。庚申。三年。八月。丙辰。四年。正月。庚戌。
八月。癸未。五年。八月。庚午。六年。正月。癸丑。八月。壬辰。
七年。正月。辛亥。八年。正月。辛酉。治平元年。二月。巳丑。
七月。癸巳。二年。二月。癸巳。八月。巳亥。三年。正月。庚辰。
八月。庚戌。皆見。

神宗哲宗徽宗三朝老人星見

治平四年。二月。癸巳。八月。戊申。老人星見。其後熙寧

元年。正月。乙未。八月。巳卯。二年。二月。乙卯。八月。壬戌。
三年。正月。甲寅。八月。癸酉。四年。二月。巳未。八月。丁丑。
五年。二月。巳未。閏七月。乙亥。六年。正月。庚午。八月。丁
酉。七年。二月。甲申。八月。庚寅。八年。二月。巳丑。八月。庚
戌。九年。二月。丁酉。八月。庚子。十年。正月。巳卯。九月。戊
申。**元豐**元年。二月。巳酉。八月。丙午。二年。二月。壬戌。八
月。乙卯。三年。二月。甲寅。八月。乙未。四年。八月。丁卯。五
年。二月。甲戌。八月。巳巳。六年。二月。巳未。八月。丁丑。七
年。二月。辛巳。八月。巳卯。八年。二月。庚辰。八月。辛巳。**元**
祐元年。二月。戊寅。八月。庚子。二月。庚寅。九月。辛亥。三
年。二月。癸巳。八月。巳亥。四年。二月。壬子。八月。丁未。五
年。正月。甲午。八月。辛亥。六年。二月。巳亥。閏八月。壬戌。
七年。正月。壬子。八月。壬戌。八年。二月。丙寅。八月。巳巳。
元年。二月。乙丑。**紹聖**元年。八月。庚子。二年。二月。壬午。
八月。丁丑。三年。二月。庚午。八月。癸未。四年。二月。甲申。
八月。甲申。五年。二月。庚辰。**元符**元年。八月。辛卯。二年。
二月。乙未。九月。壬辰。**崇寧**元年。二月。壬寅。八月。癸丑。
二年。二月。甲寅。八月。庚戌。三年。二月。戊午。八月。辛酉。
四年。二月。庚申。八月。丙寅。五年。二月。戊辰。八月。甲戌。
大觀元年。二月。乙亥。八月。丁丑。二年。二月。甲午。八月。

文獻通考 卷之三百九十四
壬午三年二月戊子八月癸巳四年二月乙未閏八
月丁酉政和元年二月癸卯八月巳亥二年二月乙
巳八月巳酉三年二月甲午八月巳未四年二月巳
酉八月辛未五年二月庚申八月甲子六年閏正月
壬戌八月丁卯七年五月戊午八月丙子八年二月
壬申八月乙亥宣和元年二月癸未八月癸未二年
二月辛巳八月巳丑三年二月丙戌八月癸巳四年
二月巳亥八月辛丑五年二月庚子八月丙午六年
二月戊申八月辛亥七年二月癸丑八月庚申皆見
于丙主人君壽昌天下安寧賢士進用自太平興國
以來星見必賀至熙寧四年詔罷賀禮

客星

漢武帝元光元年六月客星見于房占曰為兵起其
二年十一月單于將十萬騎入武州漢遣兵三十餘
萬以待之

昭帝元鳳四年九月客星在紫宮中斗樞極間占曰
為兵其五年六月發三輔郡國少年詣北軍
宣帝地節元年六月戊戌甲夜客星居左右角間東
南指長可二尺色白占曰有姦人在宮庭間其丙寅
又有客星見貫索東北南北至七月癸酉夜入天市

芒炎東南指其色白。占曰：有戮卿。一曰：有戮王。期皆一年。遠二年。是時楚王延壽謀逆自殺。四年霍氏謀反誅。

黃龍元年二月。客星居王梁東北。可九天長丈餘。西指出閣道間。至紫宮。其十二月。宮車晏駕。

元帝初元元年四月。客星大如瓜。色青白。在南斗第二星東。可四尺。占曰：為水饑。其五月。渤海水大溢。六月。關東大饑。民多餓死。琅邪郡人相食。

一年五月。客星見昴分。居卷舌東。可五尺。青白色。炎長三寸。占曰：天下有妄言者。其十二月。鉅鹿都尉謝

君男。詐為神人論死。父免官。孟康曰：姓謝名君男者。兒也。不記其名。直言男耳。

光武建武三十一年十月。有客星炤二尺許。西南行。至明年二月二十二日。在輿鬼東北。六尺所滅。凡見百一十三日。輿鬼尸星主死亡。客星居之。為死喪。後二年。光武崩。

按漢書嚴光傳。帝即位。思光召之。至京入宮。論道舊故。因共偃臥。光以足加帝腹。明日太史奏。客星犯御坐。甚急。帝笑曰：朕故人嚴子陵共臥耳。通鑑載徵光事。在建武五年。然史

志五年。不言客星之事云。

孝明。永平四年八月辛酉。客星出梗河西北。指貫索。七十日去梗河。爲湖兵至。五年北匈奴七千騎入五原雲中。貫索。貴人之牢。其十二月。陵鄉侯梁松坐怨望誹謗下獄死。

七年三月庚戌。客星光氣二尺。所在太微左執法南端門外。凡見七十五日。

八年十二月戊子。客星出東方。

九年正月戊申。客星出牽牛長八尺。歷建星至房南。滅見至五十日。牽牛主吳越。房心爲宋。後廣陵王荆。

楚王英謀逆事。覺自殺。廣陵屬吳彭城古宋地。

十三年十一月。客星出軒轅。四十八日。

十四年正月戊子。客星出昴。六十日。在軒轅右角稍滅。昴主邊兵。後一年。漢遣竇固。耿秉等將兵擊匈奴。

一曰。軒轅右角爲貴相。昴爲獄事。時考楚事未竟。司徒虞延坐與楚王英交通自殺。

孝章。元和元年四月丁巳。客星晨出東方。在胃八度長三尺。歷閣道入紫宮。留四十日。滅閣道紫宮。天子之宮也。客星犯入留久。爲大喪。後四年帝崩。

孝和。永元十三年十一月乙丑。軒轅第四星間有小

客星。色青黃。軒轅為後宮。星出之。為穴勢。其十四年。六月。陰皇后廢。

十六年。四月。戊午。客星出紫宮。至行至昴。五月。滅昴。為趙後一年。和帝崩。又一年。殤帝崩。無嗣。太后遣迎。

清河孝王子即位。是為安帝。清河趙地。是其應也。

孝安。永安元年。八月。戊申。客星在東井。弧星西南。占

為大水。是歲郡國四十一。縣三百一十五。雨水。四瀆

溢。傷稼壞城郭。殺人民。

三年。六月。甲子。客星大如李。蒼白。芒氣長二尺。西南

指上階。星指上階。為三公。後大尉張敏免官。

元初二年。十一月。甲午。客星見西方。己亥。在虛危南。

至胃昴。祁萌曰。客星入虛大人當之。又曰。客星守危。

強臣執國命。在后族。又且大風。有危。敗皇帝。

出。經曰。客星入守若。出。危。大饑。民食貴。

延光三年。十一月。客星見天市。占為貴人喪。四年。帝

崩。孝順。永建六年。十二月。壬申。客星芒氣長二尺餘。西

南指。色蒼白。在牽牛六度。客星芒氣白。為兵。牽牛為

吳越。後一年。會稽海賊曾干等。殺長吏。拘奪吏民。揚

州六郡逆賊。章何等。稱將軍。犯四十九縣。大攻畧吏

民。

陽嘉元年。閏月。戊子。客星氣白。廣二尺。長五丈。起天苑西南。主馬牛爲外軍。色白爲兵。是時敦煌太守徐由。使䟽勒王盤等兵二萬人。入于寘界。虜掠斬首三百餘級。烏桓校尉耿畢使烏桓親漢都尉戎未瑰等。出塞鈔鮮卑。斬首獲土口財物。鮮卑怨恨。鈔遼東代郡。殺傷吏民。是後西戎北狄爲寇害。以馬牛起兵。馬牛亦死傷于兵中。至十餘年。乃息。

孝靈中平二年十月癸亥。客星出南門中。大如筵五色。喜怒稍小。至後年。六月。消。占曰。爲兵。至六年。司隸校尉袁紹誅滅中官大將軍。部曲吳匡。攻殺車騎將軍。何苗。死者數千人。

光和五年。六月。丁卯。客星如三升椀。出貫索西南。行入天市。至尾而消。占曰。天市爲貴人喪。明年。宮車晏駕。

魏文帝。黃初三年。九月。甲辰。客星見太微左掖門內。占曰。客星出太微。國有兵喪。十月。帝南征孫權。是後累有征役。

明帝。景初二年。十月。癸巳。客星見危。逆行在離北宮。騰蛇南。甲辰。犯宗星。巳酉。滅。占曰。客星所出有兵喪。虛危爲宗廟。又爲墳墓。客星近離宮。則宮中將有大

喪就先君于宗廟之象也。三年正月帝崩。高貴卿公甘露四年十月丁丑客星見太微中。轉東南行。歷軫宿積七日滅。占曰客星出太微有兵喪。景元元年帝爲成濟所弑。

晉惠帝永興元年五月客星守畢。占曰天子紀嗣。一曰大臣有誅。時諸王擁兵。其後惠帝失統。終無繼嗣。海西公太和四年二月客星見紫宮西垣。至七月乃滅。占曰客星守紫宮。臣弑主。六年桓溫廢帝。

孝武太元十一年三月客星在南斗。至六月乃沒。占曰有兵有赦。是後司雍兗冀常有兵役。十二年正月大赦。八月又大赦。

十八年二月客星在尾中。至九月乃滅。占曰燕有兵。喪二十年慕容垂寶伐魏爲所破。死者數萬人。二十一年垂死國遂衰亡。

安帝元興元年十月有客星色白如粉絮。在太微西。至十二月入太微。占曰兵入天子庭。二年十二月桓玄篡位。放遷帝后于尋陽。三年二月劉裕盡誅桓氏。宋文帝元嘉十九年客星在北斗。化爲彗。詳見彗門

陳廢帝光大二年六月壬子客星見氐東。周武帝保定元年九月丁巳客星見翼。

天_和三年七月己未客星見房心白如粉絮大如斗
漸大東行八月入天市長如匹所復東行犯河鼓右
將癸未犯匏瓜又入室犯離宮九月壬寅入奎稍小
壬戌至婁北一尺所滅凡六十九日占曰兵起若有
喪白衣會為饑旱國易政又曰兵犯外城大臣誅
建德三年二月戊午客星大如桃青白色出五車東
南三尺所漸東行稍長二尺所至四月壬辰入文昌
丁未入北斗魁中後出魁漸小凡見九十三日占曰
天下兵起車騎滿野人主有憂又曰天下亂兵大起
臣謀主其七月衛王直舉兵反討禽之十月始州民
王軌擁眾反討平之

唐文宗太和三年十月客星見于水位

開成二年三月甲申客星出于東井下戊子客星别
出于端門內近屏星 四月丙午東井下客星没

五月癸酉端門內客星没壬午客星如孛在南斗天
籥旁

昭宗乾寧三年有客星三一大二小在虛危間乍合
乍離相隨東行狀如鬪經三日而二小星没其大星
後没虛為齊分也

光化三年正月客星出于中垣宦者旁大如桃光炎

射宦者宦者不見

天復二年正月客星如挑在紫宮華蓋下漸行至御
史丁卯有流星起文昌抵客星客星不動巳巳客
星在杠守之至明年猶不去占將相出兵

梁太祖乾化元年五月客星犯帝座

宋太祖太宗真宗三朝客星見

建隆二年十二月巳酉客星出天市垣宗人星東微
有芒彗三年十二月辛未西南行人氏宿二月癸丑
至七星沒太平興國八年二月甲辰客星出太微垣
端門東近屏星北行占曰主弼臣失禮免端拱二年

七月丁亥客星出北河星西北稍暗微有芒彗指西
南淳化元年正月辛巳客星出軫宿逆行至張七十
日經四十度乃不見占云有土功又云有使來景德
二年八月甲辰客星出紫微天棓側字字然如粉絮
稍入垣內歷御女華蓋凡十一日沒占曰后妃災踰
年莊穆皇后崩三年三月乙巳客星出東南方大中
祥符四年正月丁丑客星見南斗魁前占曰有赦令
其年親祀汾陰后土大赦天禧五年四月丙辰客星
出軒轅前星西北大如桃速如經軒轅大星入太微
垣掩右執法犯次將歷屏星西北凡七十五日入濁

沒占曰周雒之分大臣憂

仁宗明道元年六月乙巳客星出東北方近濁木星

太微有芒彗至丁巳凡十三日而沒至和元年五月

巳丑客星出天關東南可數寸歲餘消沒

神宗熙寧二年六月丙辰客星出箕度中至七月丁

卯犯箕乃敬王民饑大臣有見弃者或大水河溢泛

漲船平地

三年十一月丁未客星出天困主倉庫憂火災

哲宗元祐六年十一月辛亥客星出參度中犯掩厠

星主有暴兵米貴晉分兵災壬子犯九游星十二

高宗紹興八年五月客星守婁魯分也虜將悟室占

之太史曰無傷至七月虜殺魯兗滕虞等二十一王

虜亦應天象也

九年客星守亢亢陳分也九月虜將悟室被誅悟室

封陳王云

八年六月巳巳客星出奎宿犯傳舍占客星亦妖星

天之使禍見于天而無常所入列舍以示休咎星大

者事大而禍深色白其分有兵喪今客星出紫微外

座傳舍星客備姦使邊夷侵境又云出奎宿爲兵姦

文獻通考

卷之百九十四

十三

沒占曰周雒之分大臣憂

仁宗明道元年六月乙巳客星出東北方近濁木星太微有芒彗至丁巳凡十三日而沒至和元年五月巳丑客星出天關東南可數寸歲餘消沒

神宗熙寧二年六月丙辰客星出箕度中至七月丁卯犯箕乃敬王民饑大臣有見奔者或大水河溢泛漲船平地

三年十一月丁未客星出天困主倉庫憂火災

哲宗元祐六年十一月辛亥客星出參度中犯掩厠星主有暴兵米貴晉分兵災壬子犯九游星十二

月癸酉入奎至七年三月辛亥乃散主邊兵動

高宗紹興八年五月客星守婁魯分也虜將悟室占之太史曰無傷至七月虜殺魯充滕虞等二十一王虜亦應天象也

九年客星守亢亢陳分也九月虜將悟室被誅悟室封陳王云

八年六月巳巳客星出奎宿犯傳舍占客星亦妖星天之使禍見于天而無常所入列舍以示休咎星大者事大而禍深色白其分有兵喪今客星出紫微外座傳舍星客備姦使邊夷侵境又云出奎宿爲兵姦

臣僞惑天子。于是金虜遣使來爭執進書儀。甲戌。客星守傳舍第五星。

九年正月癸酉。客星始不見。自去年六月己巳至是。

凡一百八十五日。乃消伏。時虜使久在館。至是乃去。

軍宗。嘉泰三年六月乙卯。東南方泛出一星。在尾宿。

青白色無芒彗。係是客星。如土星大。占客星者。天之

使者偶見于天。而無常所。入列宿以示休咎。色青憂

疾。白為兵喪。兵革罷。民饑死。于是韓侂胄方謀用兵。

雲氣 虹蜺

漢昭帝元平元年正月庚子。日出時有黑雲狀如燄。

風亂暴。音舜轉出西北東西行。轉而西。有頃亡。占曰。有

雲如衆風。是謂風師。法有大兵。其後兵起。烏孫五將

征匈奴。二月乙酉。祥雲如狗。赤色長尾三枚。夾漢

西行。詳見流星門

成帝永始二年二月癸未。夜東方有赤色大三四圍。

長二三丈。索索如樹。南方有大四五圍。下行十丈餘。

皆不至地滅。占曰。東方客之變氣。狀如樹木。以此知

四方欲動者。明年十二月己卯。尉氏男子樊並等謀

反。賊殺太守。劫畧令丞。自稱將軍。皆誅死。庚子。山陽

鍅官亡。徒蘇令等殺傷吏民。取庫兵聚黨數百人。為

大賊踰年經歷郡國四十餘。一日有兩氣同時起並見而並令等同月俱發也。

東帝建平元年正月丁未日出時有著天白氣廣如

一疋布長十餘丈西南行。謹如雷西南行一刻而止。

名曰天狗。傳曰言之不從則有犬禍。詩妖到其四年。

正月二月三月民相驚動。謹譁奔走。傳行詔籌祠西

主母。又曰從日人當來。十二月白氣出西南從地

上至天出參下貫天廁。廣如一疋布長十丈餘十餘

日去。占曰天子有陰病其三年十一月壬子太皇太

后詔曰皇帝寬仁孝順奉承聖緒靡有解怠而久病

未瘳。夙夜惟思殆繼體之君不宜改作。春秋大復古。

其復甘泉泰畤汾陰后土如故。

王莽地皇四年漢兵起南陽至昆陽。莽遣王尋王邑

將諸郡兵號百萬圍昆陽城數重。軍勢甚盛。晝有雲

氣如壞山墮軍上。軍人皆厭。所謂營頭之星也。占曰

營頭之所墮其下覆軍流血三千里。

時光武將兵救昆陽殺王尋莽軍敗散。王邑

還長安莽敗俱誅死。營頭之變覆軍流血之應也。

和帝永元十二年十一月癸酉夜有蒼白氣長三丈

起天園東北指軍市。見積十日。占曰兵起十日期歲

明年十一月遼東鮮卑二千餘騎寇右北平

十六年四月丁未紫宮中生白氣如粉絮占為喪後

一年和帝崩殤帝即位一年崩

順帝永建二年九月戊寅有白氣廣三尺長十丈餘

從北落師門南至斗

靈帝熹平二年八月白氣如一匹練衝北斗第四星

占白氣衝北斗為大戰明年冬揚州刺史臧旻等攻

盜賊斬首數千級

光和元年六月丁丑有黑氣隋北宮温明殿東庭中

黑如車蓋起奮迅身五色有頭體長十餘丈形貌似

龍上問蔡邕對曰所謂天投蜺者也

不見足尾不得稱龍易傳曰蜺之比無德以色親也

潛潭巴曰虹出后妃陰脅王者又曰五色迭至照于宮殿有兵革之

事演孔圖曰天子外若兵威內奪臣無忠則天投蜺

案龜集稱曰演孔圖曰蜺者斗之精也矢度投蜺見態主惑于毀譽合滅圖曰天子外若兵者也變

不空生占不空言龜對又曰意者陛下樞機之內祚

以昭變象若羣臣有所毀譽聖意低迴未知誰是兵戎未息威權漸移忠言不聞則虹蜺所在生也抑內

寵任中正夾毀譽分直邪各得其所勒守先是立皇

衛整武備威權之機不以假人則其効也

后何氏皇后每齋當謁祖廟輒有變異不得謁中平

元年黃巾賊張角等立三十六方起兵燒郡國山東

七州處處應角。遣兵外討角等。內使皇后二兄為大將統兵。其年宮車晏駕。皇后攝政。二兄秉權。譴讓帝母秉樂店。令自殺。陰呼并州牧董卓。欲共誅中官。中官逆殺大將軍。進兵相攻。討京都。戰者塞道。皇太后母子遂為太尉卓等所廢。出皆死。天下之敗。兵先興于官省。外延海內。二三十歲。其殃禍起自何氏。袁山松書

曰是年七月虹書見御坐玉堂後殿前庭中色青赤也

晉惠帝永興元年十二月壬寅夜有赤氣亘天。碎隱有聲。

二年十月丁丑赤氣見北方。東西竟天。占曰。並為大

兵碎隱有聲怒之象也。是後四海雲擾。九服交兵。

光熙元年十二月甲申。有白氣若虹。中天北下至地。夜見五日。乃滅。占曰。大兵起。明年王彌起。青徐汲桑亂河北。毒流天下。

懷帝永嘉三年十二月乙亥。有白氣如帶。出南北方。各二起地。至天貫參伐中。占曰。天下大兵起。四年三月。司馬越收繆胤等。又三方雲擾。攻戰不休。五年三月。司馬越死于寧平城。石勒攻破。其眾死者十餘萬人。六月。京都焚滅。帝如虜庭。

愍帝建興元年十月己巳。夜有赤氣曜于西北。荊州

刺史陶侃討杜弼之黨于石城戰敗
 宋文帝元嘉三十年正月乙亥朔會羣臣于大極前
 殿有青黑氣從東南來覆映宮上是年二月元凶邵
 構逆帝崩于合殿三月武陵王討邵建牙于軍門
 有紫雲二蔭于牙上

陳宣帝太建四年有白氣如虹自北方貫北斗紫宮
 十二年二月壬寅白虹見西方占曰有喪後一年帝
 崩

北齊後主天統三年五月戊寅甲夜西北有赤氣竟
 天夜中始滅十月丙午天西北頻有赤氣占曰有大
 兵大戰後周武帝總衆來伐

周武帝天和二年十月辛卯有黑氣一大如杯在日
 中甲午又加一經六日乃滅占曰臣有蔽主之明者
 六年二月己丑夜有蒼雲廣三丈經天自戌加辰

建德四年十月癸亥帝率衆攻晉州是日虹見晉州
 城上首向南尾入紫宮長十丈餘庚午克之丁卯夜
 白虹見長十餘丈頭在南尾入紫宮中占曰天下兵

戰流血又曰若無兵必有大喪至六年正月平齊
 靜帝天象二年六月甲戌有赤氣起西方漸東行徧
 天

唐太宗貞觀十一年七月一日黃氣竟天大雨穀水溢

睿宗景龍元年九月十八日有赤氣竟天其光燭地三日乃止

代宗寶應元年七月西北方有赤光亘天貫紫微漸流于東彌漫北方照曜數十里

德宗貞元二年正月大雨雪平地深尺餘雪上有黃黑色狀如浮埃

敬宗寶曆元年十二月乙酉夜有霧起須臾遍天霧上有赤氣或深或淺久而乃散

懿宗咸通元年七月戊戌白虹橫亘西方十一月丁酉戌時妖星初出如匹練亘空化為雲而沒在楚分

僖宗中和二年七月丙午夜西北有赤氣如絳竟天昭宗光啟二年九月白虹見西方

光化二年春有白氣竟天如練自西南徹東北而旋虹蜺武德初隋將堯君素守蒲州有白虹下城中

唐永隆元年六月戊子虹蜺亘天蜺者斗之精占曰后妃陰脅王者又曰五色疊至照于宮殿有兵

延和元年六月幽州都督孫佺帥兵襲奚將入賊境有白虹垂頭于軍門占曰其下流血

至德二年正月丙子南陽夜有白虹四上亘百餘丈
元和十三年十二月丙辰有白虹闊五尺東西亘天
會昌四年正月己酉西方有白虹
咸通元年七月己酉朔白虹橫亘西方九年七月戊
戌白虹橫亘西方光啟二年九月白虹見西方十月
壬辰夜如之

天復三年三月庚申有曲虹在日西北

後唐明宗天成二年十二月壬辰酉時西南方有赤
氣如火燄燄約二千里占者云不出二年其下當有
大兵

晉高祖天福二年正月二日夜初北方有赤氣西至
戌亥地東北至丑地南北闊三丈狀如火光赤氣內
見紫微宮及北斗諸星至三點後內有白氣數條次
西行至夜半子時方散

八年正月丙戌黃霧四塞

九年正月乙未大霧中二白虹相偶 四月庚戌大
霧中有蒼白二虹

末帝開運元年正月乙未大霧中有白虹相偶占者
云海濞所興其將有戰時帝在澶州與契丹相守

周太祖廣順元年十一月甲子白虹竟天

宋太祖太宗真宗三朝雲氣

乾德三年七月己卯夜西方起蒼白氣長五十尺貫大船五車亘井宿占曰主兵動六年十月己未亘西北起蒼白氣三道長二十尺趨東散占曰游兵之象太平興國四年四月己未夜西北有白氣壓北斗雍熙三年正月己未夜赤氣如城占爲兵四年正月癸酉夜白氣起角亢經太微垣歷軒轅大星至月傍散端拱元年十月壬申遲明巽上有雲氣過中天連地濃潤前赤黃後蒼黑色先廣後大行勢如截占曰將領行陣有大克捷十一月戊午夜西北方有赤氣如

日脚高二丈至道二年二月丙子夜西方有蒼白氣長短八道如彗掃稍經天漢參錯如交蛇占曰所見之方主兵勝咸平三年十月辛亥黑氣貫北斗占曰兵起人疫十二月庚午黑氣長三丈餘貫心宿入天市垣抵帝座久方散四年三月丙申白氣二亘天十月辛亥黑氣貫北斗五年正月白氣如虹貫日久而散七月戊戌白氣如陣貫東井六年四月己巳白氣東西亘天丁丑白氣貫日五月辛亥白氣出昴至東壁沒六月辛亥赤氣出婁貫天庾占曰食廩有火災丙子白氣出河鼓左右旗分爲數道沒七月癸卯白

氣如彗起西南方。占曰：有兵喪。景德元年三月，白氣貫軒轅，蒼白氣十餘如布。亘天七月，辛亥，黃氣出壁，長五尺餘。占曰：兵出十一月。癸丑，黑氣十餘道衝日。二年正月，丙寅，黃白氣環之。二月，丁亥，白氣五道貫白斗。占為大風。幸臣憂。十月，丙子，白氣出閣道西。字孛有光。占曰：宮中憂。三年三月，丙辰，北方赤氣亘天。白氣貫月。十月，甲午，黑氣貫北斗。魁占曰：夷兵起。四年三月，己未，白氣東西亘天。庚申，白氣出南方。長二丈許，久而不散。四月，庚午，白氣貫北斗。長十丈。占為大風。庚寅，白氣如布。襲月三丈許。甲午，南方有黑氣貫心宿。長五丈許。占大水。十一月，己巳，中天有赤氣如掃。長七尺。在輿鬼南。占曰：秦兵疫。大中祥符元年正月，癸亥朔，黃氣出于艮。占曰：主五穀熟。丁丑，白氣二。東西亘天。七月，西北方白雲氣如彗，筭三十餘條。占曰：主兵戰。二年九月，戊午，黃氣如柱起東南方。長五丈許。三年四月，丁巳，中天有黑氣東西亘天。占為水。十二月，癸亥，青赤氣貫太微。五年二月，壬寅，白氣長五丈。出東井貫北斗魁及軒轅。占為兵。為雷雨。七年九月，有氣出紫微為官闕狀。光燭地。天禧三年四月，黃氣如柱貫月。占曰：女后喜。

仁宗英宗兩朝雲氣

天聖七年二月己卯夜蒼黑雲長三十尺貫孤矢翼軫占曰荆楚水明道元年十月庚子夜黃白氣五貫紫微垣十二月壬戌西北有蒼白氣亘天景祐元年八月壬戌夜有黃白氣如彗長七尺餘出張翼之上凡三十三日不見四年七月戊申夜黑氣長丈餘出畢宿下寶元二年正月壬子夜蒼黑雲起西北長三十尺漸東南行歷婁胃昂畢及火木相次中天而散占曰水災倉穀腐敗胡王死邊兵憂若七日有雨則不占三月甲寅夜細黑雲起西北方長三十尺貫王

良及營室占曰衛分八人憂康定元年三月丙子夜東南方近濁黑氣橫亘數丈闊尺許良久散占曰東南有水憂六月壬子黑氣起心宿西長五十尺首尾侵濁久之散占曰太雨水二年八月庚辰夜東方有白氣長十尺許在星宿度中至十日長丈餘衝天相居星宿大星南九十餘日沒壬午夜黑氣起西南長七丈貫危宿羽林入濁至天津良久散癸卯夜蒼白雲起西北闊二尺許首尾至濁良久漫占曰其下有兵慶曆二年十一月壬申黑氣貫北斗柄八年甲申白氣貫北斗三年正月戊戌中天有白氣長二十尺

文獻通考 卷三百九十四 三十三
向西南行。貫日。占曰。邊兵憂。四月。癸卯。白氣二。生西
北隅。上中天。首尾至濁。東南行良久散。占曰。其下有
兵寇。七日有大風雨。則不占。七月。戊辰。夜西南生黑
氣。長三丈許。經天而散。占曰。雨水。八月。壬子。夜。白氣
貫北斗魁。四年。五月。甲子。夜。黑氣起。東北方。近濁。長
五丈許。良久散。占曰。大雨水。宜治津梁。九月。辛巳。夜。
中天有白氣。長二丈許。貫卷宿南。河東北行。少頃散。
占曰。風雨之候。十一月。甲子。夜。蒼白雲起。南近濁。久
方散。占曰。南方有兵寇。七日有大風雨。則散。占。八年。
正月。丁酉。夜。黑氣生。首尾至濁。漸東行。久之不散。占。
日。水災。二月。辛卯。夜。西方近濁。生黑氣。長三丈許。良
久散。占曰。水災。皇祐四年。十一月。壬寅。夜。黑氣生。東
方。南北至濁。貫參宿軒轅。占曰。主邊境有火憂。辛酉
夜。白氣起。北方。近濁。長五丈許。歷北斗久之散。占曰。
多大風。治平元年。六月。戊午夜。蒼白雲起。東北方。長
一丈許。貫畢。占云。有兵禍。二年。二月。乙未。夜。蒼黑雲
起。西北方。長五丈許。貫東井及北斗。良久散。占曰。大
水。民疾病。四月。癸巳。夜。蒼黑雲起。西北方。長三十尺。
西至軒轅。太民北抵鉤陳。占曰。雨水。後宮有疾病之
憂。丙午。夜。西北方有白氣。漸東南行。首尾至濁。貫角

宿移西北。久方散。占曰：有兵戰疾疫事。九月庚申夜，西北蒼黑雲，長三丈許，貫營室壘壁陣及天河。占曰：土功興及雨水。三年六月丁未夜，東方有蒼白雲，長一丈許，貫畢。占曰：歲不收，亦陰雨之候。

神宗、哲宗、徽宗、欽宗、四朝雲氣

治平四年二月癸巳夜，蒼白雲起南方，長三丈闊尺。貫南門星。主兵出閏三月辛巳，蒼黑雲起兩方。兩首至濁，闊尺貫尾箕斗牛庫樓騎官。主陰雨。五月戊寅夜，蒼黑雲起北方，長三丈闊尺。貫紫微垣。王良主蕃國有暴兵。及奉車官憂。壬寅夜，蒼黑雲起北方，長三

丈闊尺。貫紫微垣。主暴兵。六月癸亥夜，白雲起東方，長五丈。上闊下束。貫天船閣道。傳入紫微垣。天棓主嗇夫遇賊，亦為雨候。八月乙亥夜，黑雲起西北方。長丈闊尺。貫北斗。主陰雨。十月庚申夜，黃氣一。上下貫月中。主女主憂。十二月庚戌夜，蒼黑雲起南方。長三丈闊二尺。貫五車東井五諸侯。主陰雲。熙寧元年正月乙酉夜，蒼白雲起西南方，長四丈闊尺。貫月及河南鬼軒轅。主秦分暴兵。六月己酉夜，蒼黑雲起北方。長二丈闊尺。貫北斗魁。東貫文昌。主三公疾。民憂。十月庚申夜，蒼黑雲起北方。東西兩首至濁。貫織女。

天棊紫微垣北斗魁主暴兵。三日有雨則解。二年四月甲辰夜蒼白雲起東南方長二丈闊尺貫天市垣主人多疾疫。七月甲申日下有五色雲。十一月每夕有赤氣見西北隅如火至人定乃滅。三年二月庚辰夜蒼黑雲起西北方長三丈闊二尺貫王梁扶箱天厨占同上。四年六月己未夜蒼黑雲起西北方長丈闊貫五車又起西北方長丈餘貫北斗魁文昌主大臣憂。五年七月丁亥夜白雲起南方長丈貫氏房心。六年五月庚申夜蒼黑雲起東北方長五丈闊二尺貫雲雨閣道。七年二月壬子蒼白雲起西南方長二丈闊尺貫日經中天過白氣如帶。王兵。四月壬申夜蒼白雲起北方長五丈闊二尺貫北斗魁鈎陳王良閣道。東至奎。六月辛未夜蒼黑雲起天河中長五丈南北兩首至濁。貫尾箕。又蒼黑雲起東方長五丈貫羽林軍外屏丙戌夜蒼白雲起南方長二丈貫尾室壁及八魁主齊衛分憂。或土木功。壬辰夜蒼白雲起西北方長二丈貫天棊紫微垣主分爭與刑罰藏兵禦難。備非常人之處有憂。又主牛畜多死。七月庚戌夜蒼白雲起東方長丈餘貫參旗及參宜察臣下。八年二月己巳夜蒼黑雲起東方長三丈貫心天市垣。

列肆宗星。主物貴。五月癸亥夜。蒼黑雲起西方。長三丈。貫軒轅太微垣五帝座。主諸侯憂。十月庚子夜。黑雲起西北方。長三丈。貫畢大陵鈎星。九年四月庚寅夜。白氣長丈起東北方。天市垣。辛亥夜。蒼黑雲起南方。長二丈。貫庫樓騎宮積卒心尾。主憂六月乙未。蒼白雲起東北方。長四丈。貫室壁閣道。主兵憂七月己卯夜。蒼黑雲起南方。長四丈。貫軍市天園。主兵。十月乙酉夜。蒼黑雲起西北方。長四丈。貫北斗鈎車府。主雨。十年六月癸未夜。蒼黑雲起南方。長三丈。闊尺。貫龜鼈天淵。主多雨水。七月丙子夜。蒼黑雲起北方。長三丈。貫北斗魁。主民憂。貴臣獄。或多雨。八月庚辰。蒼黑雲起東北方。長二丈。貫參井北河。五諸侯三諸侯憂。或大水。九月庚申夜。蒼黑氣起北方。由北斗魁杓貫紫微垣。至天棊。元豐二年四月戊申夜。白雲起南方。長三丈。貫庫樓積卒龍尾。主將死。或大臣黜。五年四月壬申夜。蒼白雲起北方。長三丈。出太微垣。貫五帝座。常陳主人。主大喜。八年七月庚申夜。蒼黑雲生北方。長三丈。闊尺。貫北斗文昌天槍。主三日內有雨。及大臣黜。元祐三年七月戊辰夜。東北方。近濁天明照地。如月將出。漸徧西北。有白氣經天。主兵宜防西北。

文獻通考 卷之三百九十四
二鄙。紹聖二年十一月。桂陽監慶雲見。元符二年九月。戊辰夜。赤氣起北方。紫微垣北斗。星東南。次有白氣十道。各長五尺。主兵及大臣。黜崇寧元年十一月。巳酉。赤氣隨日沒。主大旱。及外有告急。二年五月。戊子。夜蒼白氣起。東南方長三丈。貫尾箕斗。主蠻夷入貢。舊臣來歸。政和元年十一月。甲戌。夜蒼白氣起。紫微垣貫四輔。主相凶。五年四月。庚子。有白雲自北直徹中天。漸成五色。如華蓋。七年五月。乙卯。夜赤雲白氣起。東北方。主大旱。民飢喪。宣和元年六月。辛巳。夜赤氣起北方。半天如火。主臣叛君。二年二月。戊戌。夜赤雲起。東北漸向西北。入紫微垣。主臣叛君。天下兵起三年九月。壬午夜。蒼白氣長三丈。貫月。王其下有亂者。四年九月。丁丑。西方日下。有赤氣。七年四月。壬子。夜有赤雲入紫微垣。主兵起。靖康元年正月。丁丑。夜赤白氣起西方。主所向兵至九月。戊寅。有赤氣隨日出。十一月。巳丑。日下有赤氣。閏十一月。丁酉。赤氣亘天。二年正月。巳亥。夜西北陰雲中有火。長二丈餘。闊數尺。時時見。丁未。霧氣四塞。人對面不相視。二月。壬午。夜白氣如虹。自南亘北。漸移西南。至東北。二月。戊子。夜白氣貫斗。

高宗建炎元年八月壬申。東北方有赤氣。四年五月壬子。赤雲亘天中。有白氣十餘道。貫之如練。起于紫微垣。犯北斗。及文昌。由東南而散。占兵大起。又所向兵至宮中。有喪。紹興元年二月己巳。白氣亘天。占有暴兵。七年十一月癸卯。有赤雲如火。隨日火。八年九月甲申。正北方有赤氣如火影。二十七年二月乙酉。赤氣出紫微垣。三十年二月壬申。西北方正北方。東北方一帶約五處。赤氣如火影。十一月甲午。西南方白氣。有尾宿歷

心房氏亢角宿。入天市貫太微。至即位止。有類天漢白氣。主兵。明年虜亮大入寇。三十一年十二月辛丑。白氣自斗歷牛女虛。孝宗隆興元年十二月壬午。白氣自危宿歷室壁婁。胃昂宿。二年正月甲寅。白氣自壁宿歷奎婁昂畢觜參。乾道元年正月庚午。夜白氣出奎漸上。經婁胃昂貫畢入參。占主殺伐。主邊城。三月戊辰。夜白氣自參宿至角宿。與天漢相接。其白氣約廣七丈。已來占有

暴兵 四月丁酉夜蒼白氣自西北漸上東北入天
市垣辛丑入北斗魁中乙巳入紫微垣內至天極天
樞中十一月丙寅白氣出女歷虛危室壁上奎婁
胃昴宿十二月庚午白氣亘天
四年三月巳丑四方皆昏濛若下塵占名曰霾語云
天地霾君臣乖
五年正月甲申昏霧四塞又曰黃霧
六年十月庚午赤氣隨日出占氣如火隨日出者軍
行有兵憂十一月丁丑赤氣隨日入占有告急者
或檄天下召兵不行

七年六月壬寅十月戊午赤氣隨日出

八年十月乙巳赤氣隨日入丙午赤氣隨日出占君
側有佞臣

九年十月壬申日出前東方并日入後西方有雲氣
若煙非煙若雲非雲青赤黃三色光潤占凡氣有三
色名曰喬雲喬雲見則國有慶乃人君修德而致

淳熙元年十月戊寅東北方生曲虹

二年十月庚辰東南方生青赤黃蠖虹

三年八月丁酉赤氣隨日沒戊戌赤氣隨日出

十年正月戊子西南有白氣如天漢而明南北廣六

又東西亘天。占有兵起。

十四年十一月甲寅赤氣隨日入。

光宗紹熙四年十一月甲戌夜赤雲白雲見。占赤雲如火影。見者如足帛。天下多兵。

二年六月壬寅白氣如帶道亘天。已酉亦然。喪之象也。于是孝宗崩。寧宗受禪。

寧宗慶元四年八月庚辰赤氣如帶亘天。占有暴兵五年。二月癸酉夜白氣如帶道亘天。

嘉泰四年二月庚申赤氣亘天。次月臨安大火。迫近太廟。十一月壬申白氣如帶道亘天。占有暴兵。

嘉定六年十月乙卯有赤氣隨日出。十一月辛卯有赤氣隨日入。

宋中興天文志曰。書星變至于蜺虹。雷雹非時塵霧雲氣雜見。必書。何也。凡皆氣也。張自明曰。一元肇判。分陰分陽。輕清爲天。重濁爲地。逆生五行。順布五氣。故五氣之會。其精秀。霧明者爲日。爲月。爲星。爲河漢。五氣之散。颺而爲風。和而爲雨。鬱而爲霧。結而爲雲。舒而爲霞。凝而爲露。肅而爲霜。冽而爲雪。戰而爲雹。擊而爲雷。爍而爲電。駁而爲虹。其變十有二。無非氣也。而是

氣之忽合忽分。又各有形有象。殆不可徧舉。其
爲災爲祥。亦或有應有不應。或應焉而人莫之
知也。然而推步宿曜之道。度分畫垣舍之名數。
覘象色之所見。驗躔分之攸屬。參之于璣衡。候
之于晷漏。探應感于精稜。求形驗于事情。以考
以告。以戒以勸。以慮以備。占其有益于人國。太
史遷曰。孔子六經紀異而說不書。至下天道不
傳。傳其人。不待告。告非其人。雖言不著。有味其
言哉。所志者占云。

虹蜺

建炎四年三月辛亥。白虹貫日。京房易傳曰。蜺日。氣也。白蜺雙出日中。茲謂擅陽。紹興八年二月辛巳。日中有白虹亘天。二十七年二月壬寅。白虹貫日。三十年十二月辛酉。曲虹見日之西。占曰。虹蜺陰陽交錯之氣。曲虹冬見異之尤甚也。乾道三年十月丙申。虹出非時。淳熙元年十月戊寅。曲虹見日之東。二年十月庚辰。虹生非時。五年十月丁巳。曲虹見日之東。慶元元年正月丙辰。白虹貫日。嘉泰三年七月壬午。亦如之。四年十一月。虹生非時。嘉定十一年二月丙辰。白虹貫日。

日三
日三
日三

日三
日三
日三

十日庚辰。地土非執。五平。十日丁巳。曲。地。辰。日。之。東。
地。出。美。執。執。黑。元。平。十日。庚。寅。曲。地。辰。日。之。東。二。平。
地。之。辰。曲。地。冬。辰。與。之。水。其。曲。彈。鼓。三。平。十日。丙。申。
十。平。十二。日。辛。酉。曲。地。辰。日。之。西。占。日。地。與。劍。關。交。
日。中。有。白。地。豆。天。二十。日。辛。二。日。壬。寅。白。地。貫。日。三。
辰。出。白。地。雙。出。日。中。茲。階。戲。舞。與。八。平。二。日。辛。日。
與。交。四。平。三。日。辛。亥。白。地。貫。日。京。辰。辰。軒。日。地。日。地。

